

續修廬州府志

卷六十

列女傳 賢婦 孝壽 才媛 附

卷六十一

列女傳 義烈 一

續修廬州府志卷六十

花翎道銜江南安徽廬州府知府清泉黃雲總修

列女傳

德此卷凡屬完節貞孝婦女概不引入既省紛歧亦各有所重也下老壽才媛傳準此

辨志列女事實備詳溯源中壘才德互彰

聖朝褒獎節烈尤多人數雖繁紀述毋譌以端風化甄采旁

羅

明

東守顏繼妻陳氏舒城人寇至攜二子避難曰生者可

無子死者不可無子遂棄己子留前室子賊去母子均

獲全

康熙志通志

徐修智妻谷氏舒城人善事舅姑修智兄嫂歿遺孤學

續修廬州府志

卷六十

列女傳 賢德

一

源五歲及三歲女氏撫之若已子女修智歿氏擇腴產

與姪又厚以奩田數十畝嫁其姪女性好施予至老不

倦教姪及五子皆成立年九十八歲

縣志通志

庠生陳經業妻朱氏廬江人崇禎壬午邑遭寇亂經業

遇賊項受刃傷但未殊耳朱氏負之歸號泣呼天以口

吮血已絕息日餘復甦人謂朱氏積誠所感

縣志

沈朋文妻劉氏巢縣人朋文五歲而孤母李苦節以撫

朋文有至性初娶於秦不能事姑出之復娶劉乃克盡

婦道當朋文廬墓時家赤貧氏勤女紅易升合米日走

五里饋夫食寒暑雨雪無間三年不少懈鄉人咸稱賢

孝

縣志

國朝

李夫人大學士天馥之配也合肥人事姑張太夫人最孝順姑病刲股肉和湯進之愈事庶姑瞿氏亦循謹瞿氏卽天馥生母也蠡斯樛木之德再傳尤著時人賢之

康熙志

監生許樹型妻黃氏合肥人巡撫黃鳴傑女姑歿事庶姑能委曲將順諸子在襁褓中卽訓以字義及小學族戚告貸雖窘乏必應曾見鬻妻者拔簪珥以全之待下

寬恕終身無疾言遽色

縣志

董策旂妻李氏合肥人江淮衛守備李仁女幼嫻母教通書史隨父在衛署動止有法父大重之歸董氏策旂

續修廬州府志

卷六十

列女傳 賢德

二

少孤氏恨不逮事舅姑每時禁忌日黯然布素數十年如一日處諸姒雖造次未嘗不誠諸姒感服互相勸勉姒凌卒氏撫其四子若已出夫寢疾歲餘氏侍湯藥時寒燠無倦容夫歿率諸孤成禮子仁驥就外塾每入定省必問以大義戒勿近浮薄暇則舉累世家範媿媿示子女令勿墜子女無不謹飭者尤善綜覈家計儲蓄蓋藏施予贈遺取用未嘗或竭見人飢寒念之不置遠近艱苦者多仰食一鄉稱賢母無間云

嘉慶志

刑部郎中李文安之配李夫人合肥人文安先世出自許姓故娶於同邑之李氏夫人生於世族性婉順篤事舅姑饘爨必躬服勞維謹文安家素貧通籍後服官刑

曹祿入甚薄夫人經理內政量入爲出賓祭日用百方
飭備生六男二女悉訓以禮法或慮其食指日繁夫人
曰吾教諸子讀書皆發憤能自立豈憂貧哉未幾子鴻
章瀚章相繼以科名顯李氏人材遂爲淮南之冠會會粵
匪擾江皖廬郡淪陷文安回籍辦理團防瀚章鴻章兄
弟出從軍旅每當拜別涕泣夫人輒訓之曰兒輩當致
身報

國勿爲兒女態聞遷一官無喜色且以盈滿爲戒或有過
詰責不少貸厥後瀚章兄弟戡定吳越肅清中原並持
節鉞擁重圻諸子咸躋顯秩門內影纓疊組孫曾以數
十計而夫人仍以儉率下不改常度嘗夜臥不張鐙人

訝其儉則曰外間自有燈燭光余房中雖息燭何害其
自斂如此及遇人有急難則必傾囊濟之周恤寒士至
老不倦先是廬郡赴南宮試者苦無館舍棲止文安官
京師時勸捐創建資費不足夫人出簪珥以成其事生
平義舉不可勝紀以子瀚章鴻章貴累封一品夫人就
養湖廣督署先後十餘年同治十三年年七十有五恭
遇

慈禧皇太后四旬萬壽奉

諭褒獎

賜松筠益壽額如意文綺等件光緒八年病篤又

恩賞人葭八兩俾資調理卒年八十三

特旨靈柩回籍著沿途地方官妥爲料理並

賜祭一壇殊恩異數中外榮之

采訪冊

李執中妻崔氏合肥人幼讀書通孝經列女傳年十四遭母徐氏喪哀毀盡禮年二十歸執中孝舅姑和娣姒敬戒無違家匪甚貧而躬勤操作戚黨以爲賢年三十二始舉一子以操勞太過甫三十三而卒臨終時以不獲終身事姑爲憾語夫善撫兒成立後以子正榮官贈一品夫人執中繼妻章氏事姑歷寇亂不懈撫前室子成立世尤賢之

采訪冊

劉世家之配胡夫人廬江人世家事見孝友傳夫人淑德婉順著於族鄰于歸後翁方患噎疾醫者謂宜食鳩

續修廬州府志

卷六十

列女傳 賢德

四

羹飲牛乳夫人躬從夫後謹視疾天未明卽起具食命弋人俾速求得鳩潔治香羹以時進又設法殫術捋牛取乳按日具給勞瘁甚至簪珥悉典質而沈疴未甦不得已割肉和藥以進戚族見之有流涕者其它和睦妯娌虔供祀事多可稱述光緒五年年八十七親見五代安徽巡撫臚具實行援例奏請

恩詔旌表並賞銀緞

特賜恩榮篤祐匾額鄉里以爲賢孝之所致越明年考終於

家以子秉璋貴封一品夫人

采訪冊

舉人廬鈺妻許氏廬江人孝事姑隨夫奉姑避亂居鄉鈺兄塋以守城殉難母鍾氏促鈺出游以存宗祀鈺以

母目瞽難之氏以大義勸夫行自任家事每遇警雇人
舁姑自負弱女攜幼姪奔隨之輒得免值歲飢糧罄氏
鬻釵珥易米進粥於姑自挑野菜食鈺館吳門氏始奉
姑以從已未借浙閩鄉試鈺中式舉人九上公車賴氏
代供子職常以鍼黹佐甘旨之奉亂平回籍孀姑旋歿
哀毀異於尋常姑雙目失明數十年不覺其苦皆氏維
持調護之力卒年六十

縣志

倪永慶妻蔣

一作謝

氏廬江人永慶以孝義著歿後氏能

率其道好施與咸豐八年賊掠神塘河居民數千口氏
憫之破其產募人入賊中贖出所親難婦甚多

縣志
採訪冊

江蘇候補道王翬翎妻張氏廬江人孝事翁姑相夫以

禮光緒三年冬翬翎得痰火疾甚劇醫藥罔效氏禱於
神刲股以進遂瘳無子撫姪應生爲嗣愛如已出性慈
善調卹貧乏僕媪之賴以舉火者常數家八年患瘤卒
年五十七以夫翬翎官封一品夫人

採訪冊

恩貢生徐維烈繼妻王氏舒城人性賢淑孝於孀姑夫
與子相繼歿乃以紡績課孫讀孫鑿不廢其世業由祖

母慈教所致

縣志

游擊童昫繼妻曾氏舒城人前妻遺七歲女週歲子氏
愛如所生比長謀嫁娶備極勤瘁生女四子一咸篤友
于承母教焉鄉人勗異母兄弟者輒舉曾氏事以爲勸

列女傳 老壽

國朝

張志明妻章氏合肥人道光十六年年八十二歲子一人孫四人曾孫十二人下見元孫五世同堂 采訪册

萬寶源妻曹氏合肥人贈淑人子五人孫十一人曾孫十八人元孫七人年九十六而終直督李鴻章奏請得

五世同堂扁額 采訪册

監生張羣妻孫氏合肥人享年九十有四親見五世一堂巡撫給蕙質松齡匾額 采訪册

王汪氏李黃氏均廬江人於乾嘉年間俱壽逾百齡 采訪册

續修廬州府志

卷六十

列女傳 老壽

六

監生高德昌妻施氏廬江人現年九十五歲又艾揚名妻施氏現年八十三歲五世一堂 采訪册

監生李逢昨妻萬氏舒城人年九十七歲五世一堂子姓百八十餘口列膠庠者十餘人 采訪册

監生石鏞妻劉氏舒城人年八十八歲長子琪早逝子婦陳氏以節孝聞次子鳴鶴及孫五桂等俱列鄉國學

曾孫十三並見元孫五世一堂 采訪册

鄒令汝妻楊氏周載揚妻汪氏舒城人均年逾九十五世一堂 采訪册

監生涂身榮母某氏舒城人持家有道年一百零二歲又六品軍功胡大興母某氏勤儉持家年九十八歲汪

常倫母某氏持家寬厚年九十七歲采訪冊

議敘八品童前緒母某氏舒城人相夫有道教子義方
年九十一歲五世同堂采訪冊

曾成鳳妻孫氏舒城人年百歲又庠生童文梓母某氏
黃農泰妻汪氏均勤儉持家年登九十歲采訪冊

監生程立鼈妻封宜人黃氏舒城人壽臻九十有六子
庠生銓監生煥孫提舉銜知縣懋曾孫庠生乃穀元孫
庠生寶廉黃氏目見四世采訪冊

歲貢生周文佑妻黃氏舒城人現年九十九歲長子邑
庠生周爲盛年七十六氏生平事姑至孝五世同居又
庠生褚正謨繼妻何氏年九十三歲采訪冊

續修廬州府志

卷六十

列女傳 老壽

七

盧某妻張氏無爲人九十九歲五代同堂子孫蕃衍多
登仕籍列膠庠者采訪冊

例貢葉森妻程氏無爲人三十七歲夫故撫五子雋敏
桂豪樑俱成立援例捐職五代同堂采訪冊

潘俞氏年九十三歲丁周氏年八十九歲無爲人均五
代同堂采訪冊

儒童王傑臣妻朱氏無爲人年一百有二歲又儒童王
國材妻朱氏洪惟宛妻陸氏陳盛東妻張氏均壽臻百

齡采訪冊

監生葉掄元妻封安人洪氏巢縣人年九十二五子十
四孫曾孫元孫林立長子觀光庠生舉鄉飲大賓四子

觀海武生千總銜長孫遐福長曾孫蔭生長元孫春宜
等均入泮道光十八年知縣莫獎以教子有方五世同

堂匾額黃絹一疋詳請

旌

冊 采訪

庠生鄭士標母何氏巢縣人年八十五五世同堂嘉慶

二十五年儒學胡有基爲題額曰五世萱榮

冊 采訪

庠生鄭準母劉氏江正椿妻丁氏巢縣人年各九十二

歲五世同堂

冊 采訪

附寄籍

監生華式學妻江氏潛山籍寄居舒城年登百歲五世

同堂

冊 采訪

列女傳 才媛

國朝

合肥舉人趙光璵之母張氏浙江永嘉縣張友柏之女
通書史秉性溫良慈惠歸趙氏入門敬戒無違善事舅
姑爲里黨式教子成名著有嘯月樓詩藁若干卷待梓

采訪
冊

趙氏女名景淑字筠湄合肥人詩秀麗可誦未嫁卒著

有延秋閣詩鈔弟對澂刊行之 通志
采訪冊

許氏女仲儀合肥人才名卓著工書善詩未嫁卒有明

璫集傳於世 通志
采訪冊

候選道合肥李鳳章之妻戴氏名恭謹字婉湘同邑進

續修廬州府志

卷六十

列女傳 才媛

九

士戴鴻恩之女也性明慧幼承父教於經史無所不窺
兼工詩古文辭于歸後能盡婦職相夫知大義有樛木
之風宗鄙甚敬之族中婦女多遵其閨範子姪輩從問
經史知無不言著有望雲樓詩集女靜淑亦能詩長適
歙柯氏早卒其詩草曰藝蘭軒實承母訓 采訪
冊

江蘇知府合肥費日啟之妻李氏名玉娥同邑刑部郎
中文安之次女幼聰慧喜讀綱鑑文安官刑部公退之
暇授以經義及古文詞意解心會能得其旨趣稍長通
羣書嫻吟咏凡有所作夏夏獨造律句清麗處不減劍
南適同邑費日啟事上相夫曲盡婦道同治初日啟佐
今大學士鴻章治軍事於江蘇以功洊保花翎知府而

李氏荆釵裙布仍守寒素風諸兄之女從之學詩者所作皆琅然可誦性尚勤儉治家有法以無子愛庶出子如已出教育備至年四十三卒著有養性齋全集待梓

采訪
冊

江蘇補用道廬江章玕妻陶氏常熟舉人鎮江府教授陶貴鑑女名安生號竹筠自號南沙女史少穎悟喜讀書親承家學後遂以詩名著有清綺詩剩其送夫之官浙江詩尤爲詩人歎賞詩云此去湖山任意游風帆二月下杭州慈姑自有妾勤奉幼子無煩君遠憂莫以微官難報國須知積德勝封侯循聲好共詩名著傳至閨

中也解愁

縣志

續修廬州府志

卷六十

列女傳 才媛

十

無爲庠生汪鎮妻許氏名燕珍字儼瓊合肥許齊卓之女幼隨父龍溪縣任喜讀書工吟詠閩中佳山水悉入奚囊以才女稱適汪氏夫亦能詩每當溫清之暇紅豆記歌烏絲綴句閨房韻事媿美鷗波佳句多採入隨園詩話中而元夜竹枝尤傳人口著有蒨餘小草詞曲尤

精有保貞蓑紅綃詠樂府行世

通志
詩話

隨園
采訪冊

